



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-605-8/22**
Datum: **13.12.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica „KOTEX-DERMA” d.o.o. Tuzla za donošenje rješenja o vodnoj dozvoli za ispuštanje tehnoloških otpadnih voda iz poslovnog objekta za otkup, konzerviranje i privremeno skladištenje sirove kože, izgrađenog na lokaciji Šićka Petlja bb, Tuzla, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), donosi:

RJEŠENJE **o vodnoj dozvoli**

1. Pravnom licu „KOTEX-DERMA” d.o.o. Tuzla, daje se vodna dozvola za ispuštanje tehnoloških otpadnih voda iz poslovnog objekta za otkup, konzerviranje i privremeno skladištenje sirove kože, izgrađenog na lokaciji Šićka Petlja bb, Tuzla, na zemljištu označenom kao k.č. broj: 419/34 i 419/35 K.O. Husino (stari premjer), što odgovara k.č. 282 i 283 K.O. Kiseljak, Tuzla.
 2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama i dr.
 3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da pravno lice „KOTEX-DERMA” d.o.o. Tuzla, obezbijedi da se sistem za prikupljanje, prečišćavanje i ispuštanje tehnoloških otpadnih voda nastalih u procesu skladištenja sirove kože, pranjem opreme, uređaja i alata, te pranjem podova i radnih površina objekata na predmetnoj lokaciji, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se u roku od mjesec dana izvrši čišćenje uređaja za biološki tretman tehnoloških otpadnih voda i prihvatnog bazena od strane ovlaštene firme. Nakon čišćenja uraditi monitoring kvaliteta i kvantiteta tehnoloških otpadnih voda.
 - 3.3. Da se obezbijedi kontinuiran rad i nadzor nad radom uređaja za prečišćavanje otpadnih voda, a u skladu sa projektnom dokumentacijom-Tehnološko uputstvo za rukovanje i održavanje postrojenja za tretman tehnoloških otpadnih voda „KOTEX-DERMA” d.o.o. Tuzla kao i Projektom uređenja terena kompleksa „KOTEX-DERMA” d.o.o. Tuzla urađen od strane „BAREL Inženjering” Tuzla, septembar 2000 godine gdje je detaljno opisan rad postrojenja.
 - 3.4. Čišćenje uređaja za tretman tehnoloških otpadnih voda, te odvoz i konačno zbrinjavanje istih, kao i ostalog otpada sa lokacije predmetnog poslovnog objekta za skladištenje kože može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja, neophodno je voditi službenu evidenciju i arhivu.
 - 3.5. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti emisija otpadnih voda utvrđene u Prilogu 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64.

- stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj: 14/10, 14/13, 26/14, 23/17 i 41/20).
- 3.7. Otpad koji nastaje u postupku rada objekata za skladištenje sirove kože sa pratećim sadržajima, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale.
 - 3.8. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.9. Da se kod pranja koriste sredstva koja su prikladna okolinskim zahtjevima.
 - 3.10. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.11. Na predmetnoj lokaciji nije dozvoljeno indirektno ispuštanje otpadnih voda u podzemne vode.
 - 3.12. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
 - 3.13. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, korisnik je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja uz uslov da se realizacija aktivnosti obuhvaćeni tačkom 3. dispozitiva rješenja u cjelosti poštuje.
 11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
 12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.
 13. Ukoliko nosilac prava iz ove vodne dozvole u toku važenja iste, a u skladu sa propisanom dinamikom realizacije ne ispuni uslove propisane u tački 3.2. dispozitiva ovog rješenja i ne zadovolji propisane kriterijume koji se odnose na parametre kvaliteta tehnoloških otpadnih voda navedenih u **tački 3.5.** dispozitiva, ne može u skladu sa važećom legislativom dobiti produženje roka ili novo odobrenje za ispuštanje tehnoloških otpadnih voda.

Obrazloženje

Pravno lice „KOTEX-DERMA“ d.o.o. Tuzla, zahtjevom broj: 48/22 od 31.10.2022 godine se obratilo ovoj Agenciji za donošenje rješenja o vodnoj dozvoli za ispuštanje tehnoloških otpadnih voda iz poslovnog objekta za otkup, konzerviranje i privremeno skladištenje sirove kože, izgrađenog na lokaciji Šićka Petlja bb, Tuzla, na zemljištu označenom kao k.č. broj: 419/34 i 419/35 K.O. Husino (stari premjer), što odgovara k.č. 282 i 283 K.O. Kiseljak, Tuzla.

U provedenom postupku dostavljena je i pregledana sljedeća dokumentacija:

A. Opšta dokumentacija

- Rješenje o izmjenama upisa u sudski registar broj: 032-0-Reg-19-001479 od 30.10.2019. godine, od strane Općinskog suda u Tuzli –ovjerena kopija,
- Ovjerena kopija Uvjerenja o poreskoj registraciji izdatoj od Porezne uprave Kantonalni ured Tuzla od 17.03.2009. godine,
- Uvjerenje o registraciji broj 04/1-UPP/1-970707 od 01.08.2007.godine, Uprava za indirektno oporezivanje Banja Luka,
- Uplatnica za upravnu taksu u iznosu od 70,00 KM,
- Rješenje o vodnoj dozvoli br. UP-I/25-3-40-106-4/17 od 09.02.2017. godine, izdato od «Agencije za vodno područje rijeke Save» Sarajevo,
- Rješenje o ispunjenju uslova za rad broj: 17-20-6883 od 17.08.2007 godine izdato od strane Službe za razvoj i poduzetništvo, Općina Tuzla,
- Rješenje o odobrenju za građenje broj: UP-I/2-23-2-26/00 od 15.12.2000. godine izdato od strane Federalnog ministarstva prostornog uređenja i okolice,
- Rješenje o odobrenju za upotrebu broj: UP-I/02-4-23-2-55/01 od 01.11.2001. godine izdato od strane Federalnog ministarstva prostornog uređenja i okolice,
- Obavijest da podnosilac zahtjeva nije u obavezi pribavljanja okolinske dozvole broj: 12-03-07-23-9593/09 od 15.06.2009. godine izdata od strane Ministarstva prostornog uređenja i zaštite okoliša Tuzlanskog kantona,
- Ugovor o obavljanju komunalne usluge-čišćenje uređaja za tretman otpadnih voda (septička jama) od 08.11.2022. godine sklopljen sa JKP „Vodovod i kanalizacija“ d.o.o. Tuzla,
- Radni nalog za čišćenje septičke jame broj: 324 od 18.11.2022 godine izdat od strane sa JKP „Vodovod i kanalizacija“ d.o.o. Tuzla,
- Izvještaj o obračunu broja ekvivalentnih stanovnika za mjesec oktobar 2022 godine,
- Izvještaj o monitoringu kvaliteta otpadnih voda iz pogona za skladištenje kože, urađen od strane «Inspekt-RGH» d.o.o. Sarajevo, april 2022 godine,

A. Tehnička dokumentacija

- Glavni projekat prikupljanja, tretmana i ispuštanja oborinskih onečišćenih voda sa lokacije poslovnog objekta za otkup, konzerviranje i privremeno skladištenje sirove kože, urađen od strane „ES HYDROTECHNICS“ .o.o. Sarajevo, juli 2013. godine,
- Konačni izvještaj o izvršenoj reviziji projektne dokumentacije urađen od strane „Zavod za vodoprivredu“ d.d. Sarajevo, juli 2013. godine,
- Tehnološko uputstvo za rukovanje i održavanje postrojenja za tretman tehnoloških otpadnih voda „KOTEX-DERMA“ d.o.o. Tuzla,
- Elaborat o utvrđivanju ekvivaletnog broja stanovnika , urađen od strane Institut za hemijsko inženjerstvo Tuzla, april 2009 godine,
- Projekat uređenja terena kompleksa „KOTEX-DERMA“ d.o.o. Tuzla urađen od strane „BAREL Inženjering“ Tuzla, septembar 2000 godine

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz starog Rješenja o vodnoj dozvoli, zatraženo je očitovanje Službe za naplatu prihoda (vodnih naknada) ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za naplatu prihoda (vodnih naknada) od 08.11.2022. konstatovano je da je podnosilac zahtjeva ima dug za plaćanje PVN za zaštitu voda.

Aktom broj: UP-1/21-3-40-605-4/22 od 10.11.2022. godine zatraženo je od podnosioca zahtjeva da dostavi dokaz o izmirenim obavezama plaćanja PVN. Dana 07.12.2022 godine dostavljeno je očitovanje od Službe za naplatu prihoda (vodnih naknada) da je izvršeno plaćanje dugovanja posebne vodne naknade za zaštitu voda.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata, izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-605-6/22 od 09.12.2022. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija poslovnog objekta za otkup, konzerviranje i privremeno skladištenje sirove kože, nalazi se u naselju Šići, općina Tuzla, na zemljištu označenom kao k.č. 419/34 i 419/35 K.O. Husino (stari premjer), što odgovara k.č. 282 i 283 K.O. Kiseljak

Na lokalitetu predmetnog poslovnog objekta nalaze se sljedeće cjeline: upravna zgrada, prostor za pregled i prijem kože, magacin za konzerviranje i skladištenje kože, kotlovnica, pumpna stanica, kuhinja, trokomorni uređaj za tretman otpadnih voda sa prelivom, saobraćajne površine i dr.

Osnovna djelatnost firme „KOTEX-DERMA“ d.o.o. Tuzla je otkup, konzerviranje i privremeno skladištenje sirove kože. U procesu prerade sirove kože se ne vrši postupak štavljenja kože. Instalirani kapacitet prerade sirove kože je 200 tona/mjesec a trenutno se prerađuje 120 tona/mjesecu sirove kože.

Snabdijevanje vodom za potrebe predmetnog objekta vrši se priključkom na gradski vodovodni sistem kojim upravlja JKP „Vodovod i kanalizacija“ d.o.o. Tuzla.

Tehnološke otpadne vode nastaju prilikom prijema, čišćenja i konzerviranja kože i pranja vozila nakon istovara. Tehnološke otpadne vode iz hale za prijem čišćenje i skladištenje kože se predtretira u posebnom bazenu u kome se vrši taloženje suspendovanih materija i zadržava višak soli a na površini se izdvajaju masnoće. Preliv iz bazena ide u prelivni šaht a odatle slobodnim padom u prvu komoru biološkog uređaja zajedno sa otpadnim tokom od pranja vozila i fekalnom vodom iz objekta. Postrojenje za biološku obradu se sastoji od betonskog bazena sa tri komore i uređaja za unos potrebnog kisika pomoću komprimiranog zraka. Prečišćena iz trokomornog uređaja se ispušta u četvrtu komoru te sa oborinskim vodama sa predmetne lokacije ispušta u rijeku Jalu.

Prilikom uviđaja uočeno je da nije očišćen prihvatni bazen kao ni trokomorni uređaj za biološki tretman otpadnih voda. Redovno išćenje prihvatnog bazena tehnoloških otpadnih voda ima značajan uticaj na rad uređaja za tretman otpadnih voda, a time i parametre efluenta a što je naloženo u tački 3.2. i 3.3. ovog Rješenja.

Izveštaji o ispitivanju kvaliteta tehnoloških otpadnih voda iz pogona za skladištenje kože, urađen od strane «Inspekt-RGH» d.o.o. Sarajevo, april 2022 godine, pokazuju da vrijednosti parametara efluenta nisu u skladu sa dozvoljenim vrijednostima propisanim Uredbom.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama, člana 3. tačka cc) i članova 15, 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva, „KOTEX-DERMA“ d.o.o. Tuzla, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vdnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Behija Ahmedić, dipl.inž.tehn.

**Po ovlaštenju
Rukovodilac sektora za izdavanje
vodnih akata**



Haris Ališehović, dipl.inž.građ.

Dostaviti:

- „KOTEX-DERMA“ d.o.o. Tuzla, Šićka Petlja bb, Tuzla (Prilog-tehnička dokumentacija pod tačkom B. obrazloženja ovog Rješenja)
- AVP Sava, ISV-vodna knjiga
- Org.jed. 50
- Ⓐ Org.jed. 40-arhiva
- Oglasna tabla AVP Sava Sarajevo